

Zeitschrift: Il glogn : calender dil pievel : annalas per historia, litteratura e cultura romontscha
Band: 25 (1951)
Artikel: La Foppa
Autor: Cadieli, Gion
DOI: <https://doi.org/10.5169/seals-881369>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 19.11.2024

ETH-Bibliothek Zürich, E-Periodica, <https://www.e-periodica.ch>

La Foppa

Sco en tgina ina poppa
Cavegliada ei la Foppa
Denter spundas giu el plaun.
Cuolms formeschan la curtgina
E derasan ari' alpina.
Guardia fa il péz Mundaun.

Rein e Glogn en harmonia
Lain udir lur melodia,
Baul en piano, lu vonzei
Forza a lur vusch els dattan
E ramuran e tschallatan,
Mo secalman prest puspei.

Dalla spunda sulegliva,
Dalla spunda ell' umbriva,
Si dals vitgs e dal marcau
Cun lur tuns schi amureivels
Zenns envidan ils fideivels
Ded alzar a Diu lur tgau.

Mirel jeu de la terrassa
Si ad ault, giu ella bassa
Dapertut eis ei schi bi.
Biala eis ti, cara Foppa
Sco en tgina ina poppa.
Cordials salids a ti.

Sur Gion Cadieli